

唯識五位

一、資糧位。謂修大乘順解脫分。二、加行位。謂修大乘順決擇分。三、通達位。謂諸菩薩所住見道。修習位。謂諸菩薩所住修道。五、究竟位。謂住無上正等菩提。

誰於幾位如何悟入。謂具大乘二種姓者。略於五位漸次悟入。何謂大乘二種姓。一本性住種姓。謂無始來依附本識法爾所得無漏法因。二習所成種姓。謂聞法界等流法已聞所成等熏習所成。要具大乘此二種姓。方能漸次悟入唯識。

何謂悟入唯識五位。一資糧位。謂修大乘順解脫分。二加行位。謂修大乘順決擇分。三通達位。謂諸菩薩所住見道。四修習位。謂諸菩薩所住修道。五究竟位。謂住無上正等菩提。

云何漸次悟入唯識。謂諸菩薩於識相性資糧位中能深信解。在加行位能漸伏除所取能取引發真見。在通達位如實通達。修習位中如所見理數數修習伏斷餘障。至究竟位出障圓明。能盡未來化有情類復令悟入唯識相性。

初資糧位其相云何。、、、從發深固大菩提心。乃至未起順決擇識求住唯識真勝義性。齊此皆是資糧位攝。為趣無上正等菩提。修習種種勝資糧故。為有情故勤求解脫。由此亦名順解脫分。、、此位二障雖未伏除修勝行時有三退屈。而能三事練磨其心於所證修勇猛不退。一聞無上正等菩提廣大深遠心便退屈，引他已證大菩提者練磨自心，勇猛不退。二聞施等波羅蜜多甚難可修心便退屈。省己意樂能修施等。練磨自心勇猛不退。三聞諸佛圓滿轉依極難可證心便退屈。引他羸善況已妙因練磨自心勇猛不退。由斯三事練磨其心堅固熾然修諸勝行。

次加行位其相云何。、、、菩薩先於**初無數劫善備福德智慧資糧順解脫分既圓滿已**。為入見道住唯識性復修加行伏除二取。謂煖頂忍世第一法。此四總名順決擇分。順趣真實決擇分故。近見道故立加行名。非前資糧無加行義。煖等四法依四尋思、四如實智初後位立。

依如是義故有頌言 菩薩於定位 觀影唯是心 義相既滅除 審觀唯自想 如是住內心 知所取非有 次能取亦無 後觸無所得。

次通達位其相云何。、、、若時菩薩於所緣境無分別智都無所得。不取種種戲論相故。爾時乃名實住唯識真勝義性。即證真如智與真如平等平等俱離能取所取相故。

次修習位其相云何。、、、論曰。菩薩從前見道起已。為斷餘障證得轉依。復數修習無分別智。

後究竟位其相云何。、、、論曰。前修習位所得轉依應知即是究竟位相。此謂此前二轉依果。即是究竟無漏界攝。諸漏永盡，非漏隨增，性淨圓明故名無漏。

(《瑜伽部 T31》p.57.1)